

Naziv projekta i oblast: Upravljanje medicinskim otpadom u ZU Dom zdravlja Bihać – prijedlog projekta dostavljen Kantonalnom ministarstvu gradjenja, prostornog uređenja i zaštite okoliša po Javnom pozivu za dodjelu namjenskih sredstava iz ekoloških naknada.
Djelomično financiranje predloženog projekta odobreno je od strane MGPUZO u oktobru 2013 i projekat se implementira do kraja januara 2014.g

Opći cilj predložene ideje koncentrira se na podršku uspostave održivog mehanizma upravljanja medicinskim otpadom na području kojeg 'pokriva' Dom zdravlja Bihać. Predložene aktivnosti su dizajnirane sa namjerom pružanja podrške ovoj Ustanovi da iste provodi u skladu sa Zakonom o upravljanju otpadom F BiH, Zakonom o komunalnim djelatnostima USK, Zakonom o upravljanju otpadom USK, Pravilnikom o upravljanju medicinskim otpadom F BiH a u skladu su sa Obavještenjem poslanim od strane MGPUZO USK tokom septembra i oktobra 2012, svim javnim i privatnim zdravstvenim ustanovama gdje ih se podsjetilo da miješanje medicinskog sa komunalnim otpadom za posljedicu ima direktni uticaj na sigurnost i zdravlje stanovništva, uposlenika JKP te da medicinski otpad trebaju zbrinjavati na način propisan zakonom. Predložene aktivnosti podrazumijevaju izgradnju infrastrukturnih kapaciteta tj. rekonstrukciju prostorije za skladištenje medicinskog otpada Doma zdravlja i područnih ambulanti, nabavku vozila za prevoz otpada te promociju postignutih rezultata sa ciljem podizanja svijesti o nužnosti tretiranja medicinskog otpada na adekvatan, zakonom propisan način.